

TREOIRDHOICIMÉAD MAIDIR LE
SMACHTBHANNA

Réamhrá

Má chuirtear gearán ar aghaidh chuig Coiste Araíonachta na Comhairle Múinteoireachta lena fhiosrú, déanfaidh painéal den Choiste Araíonachta ar a bhfuil 3 dhuine a laghad agus 5 dhuine ar a mhéad, ar múinteoirí cláraithe a dtromlach (“an Painéal”) an fiosrúchán a reáchtáil.

Ar thabhairt chun críche an fhiosrúcháin, d’fhéadfadh an Painéal:

1. **An gearán a dhíbhne** in imthosca nach dtagann an Painéal:
 - a) ar chinneadh ar bith faoi cheachtar de na forais a leagtar amach in alt 42(1)(a) go (h) den Acht, maidir leis an ngearán, nó
 - b) níl an painéal sásta, ó thaobh an ghearáin a rinneadh faoi fho-alt (1D) d’alt 42, agus cosaint leanaí agus daoine soghonta á tabhairt ar aird acu, go bhfuil baol ann go bhféadfadh an múinteoir dochar a dhéanamh d’aon leanbh nó do dhuine soghonta, a bheith mar chúis le dochar a dhéanamh d’aon leanbh nó do dhuine soghonta nó iarracht a dhéanamh dochar a dhéanamh d’aon leanbh nó do dhuine soghonta, nó duine eile a ghríosú le dochar a dhéanamh d’aon leanbh nó do dhuine soghonta.

NÓ

2. **Cinneadh a dhéanamh smachtbhanna a fhorchur ar an múinteoir cláraithe nó gan a fhorchur** faoi alt 44 den Acht, sa chás go ndéanann an Painéal, ar thabhairt a thuarascáil chun críche agus tar éis aon aighneachtaí óna páirtithe a mheas maidir le smachtbhanna:
 - i. Cinneadh nó cinntí ar fhoras amháin nó níos mó mar a leagtar amach in alt 42(1)(a) go (h) den Acht, nó
 - ii. Tá an Painéal sásta ó thaobh an ghearáin a rinneadh faoi fho-alt (1D) d’alt 42, agus cosaint leanaí agus daoine soghonta á dtabhairt ar aird acu, go bhfuil baol ann go bhféadfadh an múinteoir dochar a dhéanamh d’aon leanbh nó do dhuine soghonta, a bheith mar chúis le dochar a dhéanamh d’aon leanbh nó do dhuine soghonta nó iarracht a dhéanamh dochar a dhéanamh d’aon leanbh nó do dhuine soghonta, nó duine eile a ghríosú le dochar a dhéanamh d’aon leanbh nó do dhuine soghonta.

Is treirdhoiciméad atá sa doiciméad seo chun cuidiú le painéil an Choiste Araíonachta maidir le huimhir 2 thuas.

1. Rogha an Phainéil

- 1.1 Ní mór don Phainéal a mbreithiúnas féin a chur i bhfeidhm i gcónaí agus cinntí á ndéanamh acu agus ní mór dóibh na himthosca áirithe a bhaineann le gach cás a mheas. Níl an treirdhoiciméad seo leagtha amach le srian a chur ar an bpróiseas cinnteoireachta seo. Ní sholáthraíonn an treirdhoiciméad seo liosta prionsabail nó tosca uileghabhálacha nó saintreorach nach mór don Phainéal a mheas.

- 1.2 Ar mhaithe le comhsheasmhacht agus trédhearcacht ginearálta cur chuige an Phainéil a chinntiú, áfach, ba chóir cinntí a dhéanamh agus an aird chuí á tabhairt ar an treoir seo.

2. Aighneachtaí

- 2.1 Tabharfar cuireadh, roimh chinneadh a dhéanamh maidir leis an smachtbhanna, do na páirtithe, lena n-áirítear, an Stiúrthóir (agus ionadaithe dlíthiúla an Stiúrthóra) agus don mhúinteoir cláraithe (agus dá ionadaithe/dá hionadaithe), le haighneacht ó bhéal nó i scríbhinn a chur faoi bhráid an Phainéil maidir le haon smachtbhanna a d'fhéadfadh an Painéal a fhorchur ar chlárú an mhúinteora cláraithe. Ní mór don Phainéal na haighneachtaí go léir a mheas.

3. Measúnóir Dlí

- 3.1 Féadfaidh measúnóir dlí comhairle a chur ar an bPainéal maidir le hábhair ábhartha dlí agus nós imeachta, arna éileamh ag an bPainéal, agus féadfaidh an measúnóir dlí idirghabháil a dhéanamh ag tráth ar bith le linn na n-imeachtaí má chreideann sé/sí go bhfuil gá lena leithéid a dhéanamh.
- 3.2 Ní bheidh an measúnóir dlí rannpháirteach i bpróiseas cinnteoireachta an Phainéil ach is féidir leis/léi a bheith i láthair ag breithniúcháin an Phainéil, ar iarratas ón bPainéal.
- 3.3 Má theastaíonn comhairle dlí ón bPainéal, ba chóir dóibh é sin a fháil ó mheasúnóir dlí an Phainéil. Sula ngníomhaíonn an Painéal ar an gcomhairle sin, ba chóir don mheasúnóir dlí na páirtithe a chur ar an eolas maidir leis an gcomhairle a tugadh. Ní mór an deis a thabhairt don dá pháirtí aighneachtaí a dhéanamh bunaithe ar an gcomhairle sin. Is féidir leis an measúnóir dlí a chomhairle/a comhairle don Phainéal a athrú ansin i bhfianaise na n-aighneachtaí atá déanta.
- 3.4 Ba chóir don Phainéal an chomhairle dlí agus na haighneachtaí a rinneadh go príobháideach a mheas ansin agus cúiseanna a thabhairt lena chinneadh.

4. Smachtbhanna atá ar fáil don Phainéal faoi Alt 44 (1) (a)-(d)

- 4.1 De bhun alt 44(1) de na hAchtanna, féadfaidh an Painéal cinneadh a dhéanamh —

- a) múinteoir cláraithe a bhaint den chlár agus nach bhfuil sé/sí i dteideal iarratas a dhéanamh lena chur nó lena cur ar ais ar an gclár faoi alt 31 roimh dheireadh cibé tréimhse, dar tosach an dáta a bhainfear den chlár é nó í, a shonróidh an Painéal sa chinneadh,
- b) go ndéanfar an múinteoir cláraithe a fhionraí ón gclár ar feadh na tréimhse a shonróidh an Painéal, ar tréimhse í nach faide ná 2 bhliain,
- c) go gcoimeádfar an múinteoir cláraithe ar an gclár faoi réir gach coinníll nó aon choinníll acu seo a leanas:
 - a) go n-iarrfaidh an múinteoir cúnamh ó cibé seirbhís, a bhaineann le sláinte agus leas múinteoirí, a bheidh ar fáil;
 - ii) go bhfreastalóidh an múinteoir ar chúrsa sonraithe forbartha gairmiúla, nó ar cibé cúrsa eile a mheasfaidh an Painéal is cúí;
 - iii) an tréimhse ar lena linn a chomhlíonfaidh an múinteoir coinníollacha an choimeáda;
 - iv) cibé coinníollacha eile is cúí leis an bPainéal.
- d) Comhairle, rabhadh a thabhairt nó cáineadh a dhéanamh ar an múinteoir cláraithe i scríbhinn.

4.2 Ní mór don Phainéal, agus an smachtbhanna á mheas acu, na roghanna go léir atá ar fáil dóibh de bhun alt 44 (1) (a)-(d) de na hAchtanna a mheas agus tús a chur lena machnaimh maidir le smachtbhanna nach bhfuil chomh dochraideach sin a forchur.

5. Cinneadh/cinntí an Phainéil

5.1 Agus smachtbhanna á mheas acu, ní thabharfaidh an Painéal athchuid ar chinneadh/cinntí maidir le líomhaintí, a bheidh le fáil i dtuarascáil an Phainéil, a ullmhófar ar thabhairt chun críche an fhiosrúcháin.

6. An Cuspóir atá leis an Smachtbhanna

6.1 Is é atá mar phríomhaidhm le smachtbhanna ná an pobal a chosaint seachas pionós a ghearradh ar mhúinteoir cláraithe.

6.2 Chomh maith leis sin, d'fhéadfadh an Painéal an méid seo a leanas a mheas:

- Cuidiú leis an múinteoir cláraithe lena theacht cúige féin/chuici féin agus stop a chur leis an múinteoir cláraithe ó bheith rannpháirteach in iompar is ábhar don

ghearán amach anseo;

- Cothabháil a dhéanamh ar mhuintín an phobail i múinteoirí, i gcaighdeáin mhúinteoireachta agus in ionracas ghairm na múinteoireachta;
- Leasa an mhúinteora cláraithe, lena n-áirítear, aon fhachtóir maolaitheach a d'fhéadfadh a bheith curtha faoi bhráid aige/aici.

7. Fachtóirí atá le meas nuair atáthar ag forchur smachtbhanna

7.1 Ba chóir go mbeidh cinneadh an Phainéal bunaithe ar chinneadh/chinntí a thagann ón bhfiosrúchán.

7.2 Tabharfaidh an Painéal na hábhair seo a leanas san áireamh agus smachtbhannaí á bhforchur acu le linn dóibh a thabhairt chun cuimhne gurb é an cuspóir atá leis an gcinneadh go príomha ná an pobal a chosaint:

a) *Comhréireacht*

Le linn dóibh a bheith ag déanamh cinneadh maidir leis na smachtbhannaí atá le forchur, cuirfidh an Painéal prionsabal na comhréireachta i bhfeidhm, a dhéanann cothromú ar chothabháil caighdeáin iompair gairmiúla múinteoirí agus leasa an phobail i gcoinne leasa an mhúinteora cláraithe.

b) *Maolú*

Tabharfaidh an Painéal, in aon chás atá curtha faoina mbráid, an aird chuí ar aon fhianaise atá curtha i láthair trí mhaolú, ón múinteoir cláraithe nó thar ceann an mhúinteora cláraithe. D'fhéadfadh sé go n-áireodh siad sin:

- fianaise ar charachtar nó teistiméireachtaí;
- an t-am imithe ó tharla an eachtra/na heachtraí;
- aon leithscéal a ghabhadh leis an ngearánach/leis an duine atá i gceist;
- míchumas;
- breoiteacht;
- easpa taithí/soghontacht/éigeantas/gríosú;
- na himthosca a bhain leis an eachtra/na heachtraí leis na himthosca roimh an eachtra/na heachtraí a bhí i gceist a thabhairt san áireamh;
- iarrachtaí le cosc a chur ar a leithéid d'iompar/gníomhartha ó tharlú arís.

Ní mór don Phainéal agus iad ag meas na fianaise ar charachtar nó ar theistiméireachtaí a chuir an múinteoir cláraithe faoi bhráid maidir le maolú, meas a dhéanamh ar cé chomh cothrom le dáta is atá siad, cineál na soláthróirí, cibé a raibh na soláthróirí ar an eolas maidir leis an líomhain/líomhaintí i gcoinne an mhúinteora agus gur chuir siad teistiméireacht ar fáil agus iad ar an eolas go mbainfí úsáid as an ábhar sin laistigh de chomhthéacs na n-imeachtaí maidir le feidhmiúlacht chun múineadh.

Braitheann a mhéid ba chóir do mhaolú tionchar a bheith aige ar chinneadh an Phainéil ar imthosca aonair an cháis agus is de réir rogha an Phainéil atá sé sin.

c) *Léargas*

Tá an t-ionchas go nglacfaidh múinteoir leis, ar fhéachaint siar dó/di, gur chóir go n-iompródh sé/sí iad féin ar bhealach difriúil agus go bhfuil céimeanna glactha aige/aici sa chaoi nach dtarlóidh a leithéid arís, suas don Phainéal lena mheas. D'fhéadfaí breathnú siar a léiriú má ghabhann an cláraí leithscéal, trí chéimeanna a ghlacadh lena chinntiú nach dtarlóidh eachtra ar nós na heachtra a bhí mar chúis leis an ngearán ina leith arís nó trí admhálacha an chláraí. Beidh an Painéal ar an eolas, go bhféadfadh sé nach mbeadh an múinteoir cláraithe i riocht, mar gheall ar chúiseanna seachtracha, le leithscéal a ghabháil nó d'fhéadfadh comhairle a bheith faighte aige/aici gan leithscéal a ghabháil.

d) *Toradh/Impleachtaí*

D'fhéadfadh toradh/impleachtaí atá ar iompar an mhúinteora cláraithe do dhaoine eile lena mbaineann a bheith ábhartha nuair atáthar ag meas cé chomh tromchúiseach a bhí an gníomh nó faillí an mhúinteora cláraithe. D'fhéadfadh sé, áfach, nach gciallódh earráid tromchúiseach aon torthaí díobhálacha do dhaoine eile, cé go bhféadfadh mion-earráid torthaí díobhálacha a bheith aici. Dá bhrí sin, cé go bhféadfadh toradh nó impleachtaí a bheith ábhartha, níl sé ar an mbreithniú is tábhachtaí. Tá cosaint an phobail ar an mbreithniú is tábhachtaí.

e) *Fachtóirí a dhéanann rudaí níos measa*

Féadfaidh an Painéal aon fhachtóirí a dhéanann rudaí níos measa maidir le hiompar an mhúinteora cláraithe a mheas freisin, ar nós:

- Cé chomh tromchúiseach is atá na hábhair atá faoi chaibidil;
- Cibé ar baineadh mí-úsáid as an seasamh iontaobhais agus/nó a raibh sé mar chúis leis dochar a dhéanamh don leanbh/dalta;
- Cibé an bhfuil comhartha ann ó thaobh pátrún iompair seachas eachtra aon uaire;
- Sa mhéid go raibh an t-iompar nó an gníomh in aon turas nó go raibh sé beartaithe;
- Carachtar agus stair an mhúinteora cláraithe roimhe seo.

f) *Smachtbhannaí roimhe seo*

D'fhéadfadh sé, tar éis éisteacht leis an bhfianaise go léir ag an bhfiosrúchán agus tar éis don Phainéal a thuarascáil ina bhfuil a chuid cinntí a chríochnú, go gcuirfí an Painéal ar an eolas maidir le cinntí roimhe seo maidir leis an múinteoir cláraithe chun críche cinneadh a dhéanamh maidir le smachtbhanna oiriúnach. Ba chóir don Phainéal comhairle a fháil óna mheasúnóir dlí agus iad ag meas tábhacht cinntí den sórt sin a bhí déanta roimhe seo.

8. Cinneadh gan aon smachtbhanna a fhorchur

- 8.1 Sa chás cinneadh nó cinntí a bheith déanta ag an bPainéal, d'fhéadfadh sé, ach níl sé faoi cheangal, smachtbhannaí a fhorchur ar an múinteoir cláraithe. D'fhéadfadh sé go ndéanfadh an Painéal cinneadh nach bhfuil sé cuí, sna himthosca, aon smachtbhanna a fhorchur ar an múinteoir cláraithe, tar éis dóibh an treoir seo a mheas, lena n-áirítear, na fachtóirí atá liostaithe i 7.2 thuas.

9. Comhairle, rabhadh a thabhairt nó cáineadh a dhéanamh i scríbhinn

- 9.1 Déantar foráil in Alt 44 de na hAchtanna go bhféadfadh an Painéal cinneadh a dhéanamh ceann de na smachtbhannaí ar scála aistritheach a thabhairt, sé sin comhairle, rabhadh a thabhairt nó cáineadh a dhéanamh i scríbhinn. D'fhéadfadh sé sin a bheith cuí in imthosca nach bhfuil na cinntí chomh tromchúiseach. Tá comhairle ar an gceann is lú dochraide de na smachtbhannaí seo, agus rabhadh ina diaidh sin agus ansin cáineadh a dhéanamh i scríbhinn.
- 9.2 Is féidir na smachtbhannaí seo, cé nach bhfuil siad sainmhínithe sna hAchtanna, a shainmhíniú i dtéarmaí leathana mar a leanas:
- a. Comhairle – comhairle a thabhairt don mhúinteoir maidir lena n-iompar amach anseo
 - b. Rabhadh a thabhairt – íde béil láidir a thabhairt
 - c. Cáineadh a dhéanamh - míshástacht tromchúiseach a léiriú
- 9.3 Tá na smachtbhannaí seo ar an gcuid de na smachtbhannaí is lú sriantachta is féidir a fhorchur agus ní chuireann siad srian ar chumas an mhúinteora cláraithe múineadh. Léiríonn na smachtbhannaí seo míshástacht na Comhairle Múinteoireachta maidir le líomhaintí atá cruthaithe agus is rabhadh atá iontu nár chóir go dtarlódh an t-iompar seo arís.
- 9.4 Ba chóir don Phainéal a mheas cibé an bhfuil sé leordhóthanach smachtbhannaí comhairle, rabhadh a thabhairt nó cáineadh a dhéanamh i scríbhinn, tar éis dóibh an treoir seo a mheas, lena n-áirítear, na fachtóirí atá liostaithe i 7.2 thuas. Mura ndéanann, ansin measfaidh an Painéal coinníollacha a chur ar chlárú an mhúinteora cláraithe.

10. Feidhmiú coinníollacha

- 10.1 Luaitear in Alt 44 de na hAchtanna, go bhféadfaí an múinteoir cláraithe a choimeád ar an gclár faoi réir gach coinníll nó aon choinníll acu seo a leanas:
- a) go n-iarrfaidh an múinteoir cúnamh ó cibé seirbhís, a bhaineann le sláinte agus leas múinteoirí, a bheidh ar fáil;

- b) go bhfreastalóidh an múinteoir ar chúrsa sonraithe forbartha gairmiúla, nó ar cibé cúrsa eile a mheasfaidh an Painéal is cúí;
- c) an tréimhse ar lena linn a chomhlíonfaidh an múinteoir coinníollacha an choimeáda;
- d) cibé coinníollacha eile is cúí leis an bPainéal.

10.2 Is ionann clárú coinníollach agus bealach leis an múinteoir cláraithe a shrianadh le súil lena chinntiú go nglactar gach gníomh ceartaitheach atá cúí sna himthosca.

10.3 D'fhéadfadh clárú coinníollach a bheith mar smachtbhannaí cúí le forfheidhmiú sa chás:-

- Go bhfuil sé indéanta réimsí sonracha ó thaobh iompar nó iniúlacht an mhúinteora cláraithe lena mbaineann saincheist a aithint a d'fhéadfaí a rialú/a fheabhsú go héifeachtach, go cúí agus go praiticiúil trí choinníollacha a fhorchur;
- Tabharfaidh clárú coinníollach cosaint leordhóthanach don phobal (lena n-áirítear leanaí agus daoine óga, chomh maith le comhghleacaithe) ó bhaol díobhála. De rogha air sin, d'fhéadfadh sé nach bhfuil aon bhaol ann ó thaobh díobhála i láthair na huaire;
- Tá an acmhainneacht agus an toilteanas á léiriú ag an múinteoir cláraithe maidir le freagairt go dearfach d'fhorchur coinníollacha ar a chlárú/a clárú.
- Gur féidir coinníollacha cúí a chur le chéile agus gur féidir leis an múinteoir cláraithe na coinníollacha sin a chomhlíonadh.

10.4 Má dhéantar cinneadh maidir le clárú faoi réir coinníollacha, ba chóir don Phainéal agus iad ag meas cé na coinníollacha atá le forchur, a bheith airdeallach nach mór do na coinníollacha a bheith soiléir, éifeachtach, cúí, praiticiúil, a bheith sonraithe ó thaobh ama agus a bheith intomhaiste.

10.5 Níor chóir go mbeadh an tionchar, in aon turas nó seachas sin, ag aon choinníollacha, leis an múinteoir a chosc ó bheith ag múineadh.

10.6 Ba chóir don Phainéal a mheas cibé an bhfuil sé leordhóthanach coinníollacha a fhorchur, tar éis dóibh an treoir seo a mheas, lena n-áirítear na fachtóirí atá liostaithe i 7.2 thuas. Mura bhfuil, ansin ba chóir don Phainéal a mheas cibé ar chóir an múinteoir a chur ar fionraí ón gclár.

11. Ar Fionraí ón gClár

11.1 Tá tionchar pionósach ag fionraí ón gclár, sa mhéid go gcuireann sé cosc ar an múinteoir ó

mhúineadh i scoil atá maoinithe ag an stát (agus dá bhrí sin, d'fhéadfadh sé an múinteoir a chosc ó shlí bheatha a shaothrú le linn na tréimhse ar fionraí)

- 11.2 Eascraíonn fionraí sa chás go gcruthaítear ábhair tromchúiseach ach nach raibh chomh tromchúiseach le bheith mar údar leis an múinteoir a bhaint den chlár (mar shampla, sa chás gur admhaíodh an locht agus sa chás an Painéal a bheith sásta nach dóigh go dtarlóidh an t-iompar nó an eachtra arís).
- 11.3 D'fhéadfadh fionraí ón gclár a bheith cuí sa chás go bhfuil an Painéal sásta:
- nach bhfuil an cinneadh nó na cinntí i gcoinne an mhúinteora cláraithe neamh-chomhoiriúnach go bunúsach ó thaobh leanúint ar aghaidh mar mhúinteoir cláraithe amach anseo, sa mhéid go bhféadfadh toradh nach bhfuil chomh trom leas an phobail a shásamh seachas an múinteoir a bhaint den chlár;
 - go bhfuil fianaise maidir le tuiscint léirithe ag an múinteoir cláraithe agus nach bhfuil baol mór ann go dtarlóidh an t-iompar a bhí mar ábhar don fhiosrúchán arís.
- 11.4 Tá an tréimhse fionraí ón gclár faoi réir rogha an Phainéil, ag brath ar cé chomh tromchúiseach is atá an cás áirithe agus d'fhéadfadh sé nach mbeadh an tréimhse fionraí níos faide ná dhá bhliain.
- 11.5 Ba chóir don Phainéal a mheas cibé an bhfuil forchur fionraí leordhóthanach tar éis dóibh an treoir seo a mheas, lena n-áirítear, na fachtóirí atá liostaithe i 7.2 thuas. Mura bhfuil, ansin ba chóir don Phainéal a mheas cibé ar chóir an múinteoir a bhaint den chlár.

12. Múinteoir Cláraithe a Bhaint den Chlár

- 12.1 D'fhéadfadh baint den chlár a bheith cuí sa chás:
- gurb é an t-aon bhealach é leis an bpobal a chosaint, daltaí agus múinteoirí go háirithe, agus an t-aon bhealach le cothabháil a dhéanamh ar mhuintín an phobail i ngairm na múinteoireachta;
 - tá an cinneadh nó na cinntí neamh-chomhoiriúnach go bunúsach le leanúint ar aghaidh mar mhúinteoir cláraithe;
 - bhí fianaise ó thaobh pearsantacht díobhálach ann a bhí fréamhaithe go daingean nó fadhbanna de bharr meoin.
- 12.2 Nuair a bhaintear ainm mhúinteora cláraithe den chlár, d'fhéadfadh sé nach mbeadh sé/sí i dteideal iarratas a dhéanamh lena gcur ar ais ar an gclár roimh dhul in éag na tréimhse shonraithe, arna chinneadh ag an bPainéal.

12.3 Beidh cibé an bhfuil baint den chlár cuí ag brath ar na fíricí áirithe i ngach aon chás. Ba chóir don Phainéal an treoir seo a mheas, lena n-áirítear, na fachtóirí atá liostaithe i 7.2 thuas, le linn dóibh a bheith ag déanamh cinneadh cibé an bhfuil sé leordhóthanach múinteoir a bhaint den chlár. Tuarascáil an Phainéil

13. Tuarascáil an Phainéil

13.1 Nuair a bhíonn aighneachtaí ar bith measta ag an bPainéal, ullmhóidh an Painéal tuarascáil ina leagtar amach an t-ábhar a bhí faoi bhráid an Phainéil nuair a bhí an smachtbhanna á mheas acu, ag tabhairt aighneachtaí ó bhéal agus/nó i scríbhinn (más ann dóibh) ar aird, agus ag tabhairt cinneadh an Phainéil ar aird maidir le haon smachtbhanna/smachtbhannaí atá le forchur.

13.2 Tabharfaidh an Painéal cúiseanna leis an gcinneadh a rinne siad maidir le haon smachtbhanna/smachtbhannaí a fhorchur.

13.3 Má tá an fiosrúchán tugtha chun críche trí ghealltanais agus/nó toiliú a fháil ón múinteoir cláraithe de réir alt 43(6) agus alt 43(7) de na hAchtanna, deimhneoidh tuarascáil an Phainéil na bearta siúd.

14. Fógra ón gCoiste Araíonachta tar éis don Phainéal cinneadh a dhéanamh smachtbhanna a fhorchur

14.1 Soláthróidh an Coiste Araíonachta, trí fhógra i scríbhinn, laistigh de 21 lá tar éis don Phainéal cinneadh a dhéanamh maidir le smachtbhanna, de réir alt 44 de na hAchtanna, cóip den chinneadh agus na cúiseanna leis an gcinneadh do na daoine seo a leanas:

- a) an gearánach;
- b) an múinteoir cláraithe agus a ionadaithe/a hionadaithe;
- c) dá fhostóir/dá fhostóir sa chás an múinteoir cláraithe a bheith fostaithe mar mhúinteoir, agus;
- d) don Aire.

14.2 Cuirfear an múinteoir cláraithe ar an eolas go bhféadfaidh sé/sí, laistigh de 21 lá ó dháta seirbheála an fógra, iarratas a dhéanamh chuig an Ard-Chúirt chun an cinneadh a neamhniú de bhun alt 44(3) den Acht.

15. Comhlíonadh coinníollacha coimeádta ar an gclár

15.1 Sá chás múinteoir cláraithe a choimeád ar an gclár faoi réir coinníollacha, lena n-áirítear,

coinníoll maidir leis an tréimhse ar lena linn a chomhlíonfaidh an múinteoir coinníollacha an choimeádta, féadfaidh an múinteoir iarratas a dhéanamh i scríbhinn chuig an gCoiste Araíonachta, laistigh den tréimhse shonraithe, ar fhadú ar an tréimhse sin. Is de réir rogha an Choiste a dhéanfar aon fhadú ar an tréimhse shonraithe. Cuirfidh an Coiste an múinteoir cláraithe ar an eolas i scríbhinn chomh luath agus is indéanta maidir lena chinneadh ó thaobh an iarratais. Tabharfaidh an Coiste na cúiseanna lena chinneadh.

- 15.2 Cinnteoidh an Coiste go mbeidh tuarascálacha á fháil acu ó rúnaí an Choiste maidir le neamhchomhlíonadh na ndaoine a bhfuil coinníollacha curtha ar a gclárú, laistigh den tréimhse shonraithe nó laistigh d'aon fhadú ar an tréimhse sin.
- 15.3 Sa chás go dteipeann ar an duine na coinníollacha atá curtha lena chlárú/lena clárú a chomhlíonadh laistigh den tréimhse shonraithe nó laistigh d'aon fhadú ar an tréimhse sin, bainfear den chlár é nó í. Leanfaidh baint den chlár ar aghaidh ar an mbealach atá leagtha amach in alt 44 den Acht.